



ПРЕСТАВЛѢНІЕ БЛЖЕННЫА ОЛГИ,  
 КНАГІНИ РУССІЙСКІА,  
 ВО СѢОМЪ КРЕЩЕНІИ НАРЕЧЕННЫА ЕЛѢНЫ.

Сборник для мужского хора

Редакція и составленне Г.Смирнова  
 Храм Воздвиженна Честнаго Креста в Алтѣфьево.

# НА ГОСПОДИ, ВОЗЗВАХ: СТИХИРЫ НА 8, ГЛАС 4:

Подобен: Яко добля в мученицех:

Напева Оптиной Пустыни

Излож. Г.Смирнова

① Из глубины воззвах к Тебе, Господи,

Т.1  
Т.2




Гос - по - ди, у - слы - ши глас мой.

Бар.  
Б.



Я - ко солн - це, воз-сия нам преславна - я па - мять тво-я,



Оль-го Бо-го-муд - ра - я, ма-ти кня-зей Рос-сий - ских,



Хри-сто-ва ми-зи - ни-ца, а-постольским учением вос-пи -



та - на, воз-мог-ла е - си на ку - ми - ры, па - че же ди -



а - во-ла, си - лою Святаго Духа про - све - ща - е - ма,

от тьмы неразумия всю страну и лю - ди к Бо - гу при - ве - ла е - си,

Е - гоже моли о творящих тво - ю па - мять.

② Да будут уши Твои

внем - лю - ще гла - су мо - ле - ни - я мо - е - го.

В ра - зу - ме ду - хов - ном, им - же посрамила е - си вра - га,

пре - лъстив - ше - го Е - ву, и се - го о - ру - жи - я сло - ми - ла е - си,

бо - госажденный рай церковный соз - да - ла е - си,

в нем - же древо животное, Крест, вод - ру - зи - ла е - си, и трапезу Божия брашна

и - му - щи, ис - точник неисчерпаемый крове Хри - сто - вы,

е - гоже пивши, нетленна пре - бы - ва - е - ши, за вся ны

мо - ля - щи - ся при - сно.

③ Аще беззакония назириши, Господи, Господи, кто постоит;

я - ко у Те - бе о - чи - ще - ни - е есть.

Ду - хов - но воз - ве - се - ли - те - ся, рос - сий - сти - и кон - цы,

па - мять чту - ще Оль - ги Бо - го - муд - ры - я: мо - лит - ся бо

вы - ну ко Хри - сту с чу - до - твор - ца - ми и му - че - ни - ка - ми,



по-мощницу имущи Святую Бо-го-ро-ди-цу, из-бавитися от бед и пе-



ча-лей ве-ро-ю по-ю-щим ю



и кланяющимся раце нетленного е-я те-ла.

④ Имене ради Твоего потерпех Тя, Господи, потерпе душа моя в слово Твое,



у-по-ва душа мо-я на Го-спо-да.



При-и-ди-те, христоименитии люди - е рос-сий-сти-и,



воз-величим во хвалениях прама-терь на-шу, ве-ли-ю муд-рость



и му-жест-во по-ка-зав-шу-ю, сла-ву ми-ра пре-зрев-шу-ю

и Хри - ста Бо - га ис - тин - на - го па - че всех воз - лю -

бив - шу - ю, и та - ко к ней воз - зо - вем: о преславная угодни - це Хри -

сто - ва, мо - ли о лю - дех рос - сий - - - ских,

да ни коими козньми вра - жи - и - ми от пра - вы - я ве - ры от - вра -

тят - ся и в благочестии непоколебими да пре - бу - дут.

## НА ВЕЛИЦЕЙ ВЕЧЕРНИ

### НА ГОСПОДИ, ВОЗЗВАХ: СТИХИРЫ НА 8, ГЛАС 4:

**Подобен: Я**ко дóбля:

**Я**ко со́лнце, возсия́ нам/ пресла́вная па́мь тво́я, Ольго Богому́драя,/ ма́ти князе́й Росси́йских,/ Христо́ва ми-зи́ница<sup>46</sup>,/ апо́стольским уче́нием воспита́на,/ возмогла́ еси́ на куми́ры,/ па́че же на диа́вола,/ си́лою Свята́го Ду́ха просвеща́ема,/ от тьмы неразу́мия всю страну́/ и лю́ди к Бо́гу привела́ еси́,/ Егóже моли́ о творя́щих твою́ па́мь.

**В** ра́зуме духо́вном,/ и́мже посрами́ла еси́ врага́, прельсти́вшего Еву́,/ и сего́ ору́жие сломила́ еси́,/ богосажде́нный рай церко́вный создала́ еси́,/ в не́мже дре́во живо́тное, Крест, водрузи́ла еси́,/ и трапéзу Бо́жия бра́шна иму́щи,/ исто́чник неисчерпа́емый кро́ве Христо́вы,/ егóже пивши, нетле́нна пребыва́еши,/ за вся ны моля́щися при́сно.

**Д**ухо́вно возвеселите́ся, росси́йстии концы́,/ па́мь чту́ще Ольги Богому́дрыя:/ мо́лится бо вы́ну ко Христу́/ с чудотво́цами и му́чениками,/ помо́щницу иму́щи Святу́ю Богоро́дицу,/ изба́виться от бед и печа́лей/ ве́рою пою́щим ю́/ и кла́няющимся ра́це нетле́ннаго ея́ те́ла.

**П**риидите́, христоимени́тии лю́дие росси́йстии,/ возвели́чим во хвалéниих прамáтерь на́шу,/ ве́лию му́дрость и му́жество показáвшую,/ сла́ву ми́ра презрэв́шую/ и Хри́ста́ Бо́га и́стиннаго па́че всех возлюбив́шую,/ и та́ко к ней воззове́м:/ о пресла́вная уго́днице Христо́ва,/ моли́ о лю́дех росси́йских,/ да ни ко́ими ко́зньми вра́жиими от пра́выя ве́ры отвратя́тся/ и в благоче́стии непоколеби́ми да пребу́дут.

## Сла́ва, глас 6:

**Приидите, роди российскийсти, / пёсньми восхва́лим Ольгу премудрую, / приидите, разумом богаты́иися, / разум свой в послуша́ние ве́ры / приводи́ти от не́я научи́теся, / приидите, му́жие, честь же́не пресла́вней возда́йте, / приидите, же́ны, му́жеству е́я вели́кому подража́йте, / приидите, вла́дящи, и уразуме́йте / вся земна́я превосхо́дящую сла́ву нетле́нную, / приидите, вси вну́цы е́я, / и в день е́я све́тло восторжествуй́те, / мо́лится бо те́пле ко Го́споду, / е́же просвети́ти ду́ши на́ша.**

## И ны́не, Богоро́дичен:

**Кто Тебе не ублажит, Пресвята́я Де́во; / кто ли не воспое́т Твоего́ Пречи́стаго Рожде́ства; / безлетно бо от Отца́ Возсия́вый Сын Единоро́дный, / Тойже от Тебе, Чисты́я, про́йде, / неизреченно вопло́щся: / естеством Бо́г сый, / и естеством быв Че́ловек нас ра́ди, / не во двою́ лицу́ разде́ляе́мый, / но во двою́ естеству́ неслитно познавае́мый. / То́го моли, Чиста́я, Всеблаже́нная, // поми́ловатися ду́шам на́шим.**

## Вход. Прокі́мен дне и чтéния три.

Судий Изра́илевых чтéние (главы́ 4; 5, 1–12):

И приложи́ша сынове изра́илевы́ сотвори́ти зло́е пред Го́сподем, и Ао́д у́мре. / И отдаде́ их Го́спо́дь в ру́ку Иави́на, ца́ря Ха́наанска, / и́же ца́рствова во Асо́ре. / И воево́да си́лы е́го Сиса́ра, / и той живя́ше во Арисо́фе язы́ков. / И возопи́ша сынове изра́илевы ко Го́споду, / я́ко де́вять сот колесни́ц желе́зных бы́ше ему́ / и той озло́би Изра́иля zeló лет два́дцать. / И Девво́ра, же́на проро́чица, же́на Лафидо́фова, / сия́ судя́ше Изра́илю в то́ вре́мя / и сия́ живя́ше под фи́ником Девво́ра между́ Ра́мою и между́ Вефи́лем, в горе́ Ефре́мли, / и восхожда́ху сынове изра́илевы к не́й та́мо на суд. / И посла́ Девво́ра и призва́ Вара́ка, сына́ Авине́емля, / из Кеде́са Неффали́мова и рече́ к нему́: / не запове́да ли тебе́ Го́спо́дь, Бог Изра́илев, / и пойдеши в го́ру Фаво́р / и пойма́ши с собо́ю де́сять ты́сяч муже́й от сыно́в Неффали́млих / и от сыно́в Завуло́них, / и приведу́ к тебе́ в водоте́чь Кисо́нь Сиса́ру, воево́ду си́лы Иави́ни, / и колесни́цы е́го, и мно́жество вой е́го / и преда́м е́го в ру́ки твои́. / И рече́ к не́й Вара́к: / а́ще пойдеши со мно́ю, пойду́, / и а́ще не пойдеши со мно́ю, не пойду́, / я́ко, не вем дне, в о́нже благоустро́ит Го́спо́дь Ангела со мно́ю. / И рече́ Девво́ра к нему́: / иду́щи пойду́ с тобо́ю, / оба́че веждь, я́ко не бу́дет тебе́ сла́ва на пу́ти, / в о́нже ты́ и́деши, / поне́же в ру́ку же́нску преда́ст Го́спо́дь Сиса́ру. / И воста́ Девво́ра и по́йде с Вара́ком до Ка́диса. / И воззва́ Вара́к Завуло́на и Неффали́ма до Ка́диса, / и поидо́ша вслед е́го де́сять ты́сяч муже́й, / и и́де с ним Девво́ра. / И Ха́вер Кине́й отлучи́ся от Ке́ны и от сыно́в Иова́ва, у́жика Моисе́ова, / и потече́ ку́шу свою́ под дубо́м почи́вающих, / и́же е́сть при Кеде́се. / И возвести́ша Сиса́ре, / я́ко взы́де Вара́к, сын Авине́емль, на го́ру Фаво́р. / И созва́ Сиса́ра вся колесни́цы сво́я, де́вять сот колесни́ц желе́зных, / и вся лю́ди, и́же с ним, / от Арисо́фа язы́ков в водоте́чь Кисо́нь. / И рече́ Девво́ра к Вара́ку: / воста́ни, я́ко сей́ день, в о́нже преда́де Го́спо́дь Сиса́ру в ру́ку твою́, / зане́ Го́спо́дь изы́дет пред тобо́ю. / И сни́де Вара́к с горы́ Фаво́р / и де́сять ты́сяч муже́й вслед е́го. / И сотре́ Го́спо́дь Сиса́ру и вся колесни́цы е́го / и весь полк е́го остри́ем мечá пред Вара́ком. / И сни́де Сиса́ра с колесни́цы свое́я / и побеже́ нога́ми сво́ими. / И Вара́к гоня́й вслед колесни́ц е́го и вслед полка́, / да́же до дубра́вы язы́ков. / И паде́ весь полк Сиса́рин остри́ем мечá, / не оста́ся ни еди́н. / И Сиса́ра убеже́ нога́ми сво́ими в ку́щу Иаи́ли, же́ны Ха́вера Кине́ева, / я́ко мир бы́ше между́ Иави́ном, ца́рем Асо́рским, / и между́ до́мом Ха́вера Кине́ева. / И изы́де Иаи́ль во срéтение Сиса́ре и рече́ к нему́: / уклони́ся, госпо́дине мой, уклони́ся ко мне, не бой́ся. / И уклони́ся к не́й в ку́щу, и покры́ е́го оде́ждою свое́ю. / И рече́ Сиса́ра к не́й: / напо́й мя ма́ло воды́, я́ко возжажда́х. / И отреша́ мех млéчный, и напо́й е́го, и покры́ е́го. / И рече́ к не́й Сиса́ра: / ста́ни во двéрех ку́щи, / и бу́дет, а́ще кто при́дет к тебе́, и вопро́сит тя, и рече́т: / е́сть ли зде́ муж? / и рече́ши: не́сть. / И взы́ Иаи́ль, же́на Ха́верова, кол ку́щный, / и взы́ млат в ру́ку свою́, / и вни́де к нему́ ти́хо, / и водру́зи кол во скра́ни <sup>42</sup> е́го, / и пронзе́ до земли́, / и сей, утру́жда́ся, спа́ше и издше. / И се Вара́к, гоня́й Сиса́ру. / И изы́де Иаи́ль во срéтение ему́ и рече́ ему́: / прииди́, и покажу́ тебе́ му́жа, е́го́же ты́ и́щещи. / И вни́де к не́й, и се Сиса́ра ле́жаше мертв / и кол во скра́ни е́го. / И покори́ Го́спо́дь Бог в той день Иави́на, ца́ря Ха́нааня, пред сы́ны изра́илевыми, / и хо́ждаше ру́ка сыно́в

израи́левых, ходя́щи, / и ожесточи́ся на Иави́на, ца́ри Ханаа́нска, / донде́же истреби́ша его́. / И воспе́ Девво́ра и Варак, сын Авине́емов, в той день и рече́: / внемда́ нача́ти вождом во Изра́или, в произво́лении лю́дий, благослови́те Го́спода. / Услы́шите, ца́рие, и внуши́те, князи: / аз Го́сподеву воспою́ и пою́ Бо́гу Изра́илеву: / Го́споди, во исхо́де Твоём от Си́ира, / внемда́ воздви́зати́ся Тебе́ от села́ Едо́мова, / земли́ потрясе́ся, и не́бо возмути́ся, / и обла́цы иска́паша во́ду. / Го́ры подвиго́шася от лица́ Го́спода Ело́и, / та́я Сина́<sup>48</sup> от лица́ Го́спода, Бо́га Изра́илева. / Во дни Сама́гара, сы́на Ана́фова, / во дни Иаи́ли, / оскуде́ша пути́е, и идо́ша в пути́ кривы́, / и идо́ша в пути́ развраще́нны. / Оскуде́ша живу́щии во Изра́или, / оскуде́ша, донде́же воста́ Девво́ра, / донде́же воста́ ма́ти во Изра́или, / избра́ша бо́ги но́вы, яко́ хлеб я́чен<sup>49</sup>, / тогда́ воева́ша гра́ды князе́й, щит не́ яви́ся, / ниже́ копье́ в четы́редесяти́ ты́сячах во Изра́или. / Серге́це моё́ на учине́нная во Изра́или, / си́льнии лю́дий, благослови́те Го́спода. / Ездя́щии на осли́тех бе́лых в полу́дне, / и се́дящи на суди́щи, / и ходи́щии на пути́ со́нмов, провеща́йте. / Глас плещу́щих посреде́ веселя́щихся: / та́мо дади́т пра́вду. / Го́споди, пра́вды укрепи́ во Изра́или: / тогда́ разыдо́шася во гра́ды свой лю́дие Го́сподни. / Воста́ни, воста́ни, Девво́ра; / воста́ни, воста́ни, глаго́ли с пе́снию; / воста́ни, Вараче, и плени́ плен твой, сы́не Авине́емль.

#### Иуди́фи чте́ние (гла́ва 13, 2–20):

Оста́ся же Иуди́ф еди́на в шатре́ / и Олофе́рн повер́жен на ло́жи своём, / бы́ше бо преиспо́лнен вино́м. / И рече́ Иуди́ф рабе́ своей, / да стои́т вне ло́жницы ея́ и да смо́рит исхо́да ея́, / яко́же по вся́к день, / рече́ бо, яко́ изы́ти има́ть на моли́тву свою́ / и Ваго́ю глаго́ла по словесе́м сим. / И отыдо́ша вси от лица́ ея́, / и ни еди́н оста́ся в ло́жнице, / от ма́ла да́же до вели́ка. / И ста́вши Иуди́ф при одре́ его́, рече́ в се́рдцы своём: / Го́споди Бо́же все́я си́лы, / при́зри в час сей на дела́ рук мои́х ко возвыше́нию Ие́русали́ма, / яко́ ны́не вре́мя помоществова́ти насле́дию Твоему́ / и соверши́ти нача́ние моё́ ко сокруше́нию враго́в, / и́же воста́ша на нас. / И присту́пивши к сто́лпнику одра́, / и́же бы́ше у гла́вы Олофе́рновой, / сня́т меч его́ с него́, / и, прибли́живши́ся ко одру́, / взя́ в горсть власы́ гла́вы его́, и рече́: / укрепи́ мя, Го́споди Бо́же Изра́илев, в день сей. / И уда́ри в вы́ю его́ два́жды си́лою свое́ю, / и отъя́ главу́ его́ от него́, / и отвали́ тело́ его́ от постеле́и, / и отъя́ заве́су от столпо́в, / и по ма́ле изы́де, и преда́де раба́ни своё́й главу́ Олофе́рнову. / И вложи́ ю в меше́ц сне́дей свои́х, / и изыдо́сте обе́ купно́ по обы́чаю своему́ на моли́тву, / и, проше́дше полк, обыдо́сте дებрь о́ную, и възыдо́сте на го́ру Вегилу́и, / и приидо́сте ко врата́м ея́. / И рече́ Иуди́ф издале́ча стерегу́щим на врата́х: / отве́рзите ны́не, отве́рзите врата́, / с на́ми Бог, Бог наш, / сотвори́ти е́ще кресто́вь во Изра́или и си́лу на враги́, / яко́же и днесь сотвори́. / И бысть, яко́ услы́шаша му́жие гра́да того́ глас ея́, / потча́шася снито́и ко врата́м гра́да свое́го / и созва́ша ста́рцев гра́да. / И стеко́шася вси от ма́ла да́же до вели́ка, / яко́ па́че ча́яния бе́ им, / е́же при́тити ей, / и отверзо́ша врата́, и восприя́ша их, / и, вжэгше́ огонь во свеще́ние, окру́жи́ша их. / Она́ же рече́ к ним гла́сом вели́ким: / хвали́те Бо́га, хвали́те, / хвали́те Бо́га, И́же не оста́ви ми́лости Своё́й от до́му Изра́илева, / но сокруши́ враги́ на́ша руко́ю моё́ю в но́щь си́ю. / И, изъе́мши главу́ из мешца́, показа́, и рече́ им: / се гла́ва Олофе́рна, вождона́чальника си́лы Ассу́рския, / и се заве́са, за нею́же лежа́ше во пия́нствах свои́х, / и порази́ его́ Го́спо́дь руко́ю же́нскою. / И жив е́сть Го́спо́дь, / и́же сохрани́ мя в пути́ моём, / и́мже ходи́х, / яко́ прельсти́ его́ лице́ моё́ в па́губу его́, / и не сотвори́ греха́ со мно́ю во оскверне́ние и срамоту́. / И ужа́со́шася вси лю́дие зело́, / и, па́дше, поклони́шася Бо́гу, и ре́ша единоду́шно: / благослове́н еси́, Бо́же наш, / уни́чтоживый в день сей враги́ лю́дий Твои́х. / И рече́ ей Ози́я: / благослове́на ты еси́, дщи, Бо́гом Вы́шним / па́че всех же́н, я́же на земли́, / и благослове́н Го́спо́дь Бог, И́же созда́ небеса́ и зе́млю, / И́же упра́ви ты на сокруше́ние гла́вы кня́зя враго́в на́ших. / яко́ не оста́нет наде́жда твой от се́рдца челове́к, / помина́ющих кресто́вь Бо́жию, да́же до ве́ка, / и да сотвори́т тебе́ сия́ Бог в возноше́ние ве́чное, / е́же посеща́ти ты во благо́их, / за е́же не пощаде́ла еси́ ду́ши твое́й смире́ния ради́ ро́да на́шего, / но по́собо́ствовала еси́ паде́нию на́шему, / в пра́воте ходи́вши пред Бо́гом на́шим. / И ре́ша вси лю́дие: / бу́ди, бу́ди.

#### При́тчей чте́ние (гла́ва 31, 10–13):

Же́ну до́блю кто обря́щет – / дража́йши е́сть ка́менья многоце́ннаго тако́ва́я. / Дерза́ет на ню се́рдце му́жа ея́, / тако́ва́я до́брых korzýстей не лиши́тся, / де́лает бо́ му́жу своему́ благо́я во все жити́е, / обрётши́ во́лну и лен, / сотвори́ благопотре́бное рука́ма свои́ма.

## НА ЛИТИИ СТИХИРЫ, ГЛАС 1:

**Днесь созыва́ется к весе́лию вся Росси́йская земля́, / на́ста́ бо па́мять прама́тере на́шея, / ко све́ту Христо́вы ве́ры нас приве́дшия, / и путь спасе́ния нам показавшия, / и благостро́ению держа́вы на́шея нача́ло положи́вшия.**

### Сла́ва, глас 6:

**Днесь да торжеству́ем, бра́тие, / и да пра́зднуем па́мять святы́я Ольги, / не пе́сньми то́кмо прама́терь на́шу сла́вяще, / но и де́лы христиа́нскими сла́ву Го́сподеву возда́юще, / отри́нем проче́е язы́ческое нра́ва на́шего / и нече́стиво́е жити́я на́шего отве́ржем, / да не до конца́ прогне́вается Чело́веколю́бец Го́спо́дь / грех ради́ на́ших.**

**И ны́не, Богоро́дичен.**

## Подобен "О Преславнаго чудесе"

Напева Оптиной Пустыни

Излож. Г.Смирнова

1

Т. I  
Т. II

О, пре-слав-на-го чу-де - се! же-ною падший род че-ло-

Бар.  
Б.

ве - чес - кий Же - ною возставля - ет пре-чуд - но

Че-ло-ве-ко-лю - бец Гос-подь и в по-след - ня - я ле - та

же-ну по-сы - лает на обращение рода рос - сий - ска - го, Оль-гу пре-

слав - ну-ю, е - я - же Кре-ще - ни-ем на-ча - ло по-ла -

га - ет про-све-ще - ни-ю стра-ны Рос - сий - ски - я

во спа-се - ни - е душ на - ших.

Близ Господь всем, призывающим Его,

всемпри-зы-ва - ю-щимЕ-го во ис - ти - не. Радуйся, граде богоспаса -

е-мый Ки - е - ве, всем концем земли нашае свет Христов ис - то -

чи - вый и первую угодницу в ней по-ка-за - вый,

Оль-гу пре-чест-ну - ю, ра - дуй-ся, Вышеграде, наследие ея

чест-но - е, ра - дуй-ся, жен рос-сий-ских со-сло - ви - е,

по-хва-лу на-шу дав - ше-е во спа-се - ни-е душ на - ших.

Волю боящихся Его сотворит,

и мо-лит - ву их у-слы-шит, и спа-сет я.

3

Воз-веселися, неплодна - я Рос-сий-ска-я зем-ле, ли-куй, не-чре-во-бо -

лев - ша-я: ны-не раж-да-е-ши ча - до тво-е - Е-ле-ну блажен -

ну-ю, та же при-зо-вет ко Го - спо - ду от-ца на-ше-го Ва-си -

ли - я и под-ра-жа - ти се-бе при-ве-дет ли-ки у-год-ни-ков Е-го,

под - ви-ги своими прославити и - му - щих гра - ды и

деб - ри тво-я, во спа-се - ни - е душ на - ших.

## НА СТИХОВНЕ СТИХИРЫ, ГЛАС 8.

**Подобен:** О, пресла́внаго чудесе́:

**О,** пресла́внаго чудесе́!/  
жено́ю па́дший род чело-  
вече́ский/  
Жено́ю возста́вляет пречу́дно Чело́веколю́бец  
Госпо́дь/  
и в послéдняя лéта жену́ посыла́ет/  
на обра-  
ще́ние ро́да росси́йскаго,  
Ольгу пресла́вную,  
ея́же Кре-  
ще́нием/  
нача́ло полага́ет просвещéнию страны́ Рос-  
си́йскаго/  
во спасéние душ на́ших.

**Стих:** Близ Госпо́дь всем, призыва́ющим Его́,  
всем, при-  
зыва́ющим Его́ во и́стине.

**Ра́дуйся,** гра́де богоспаса́емый Кі́еве,  
всем концéм земли́  
на́шея/  
свет Христо́в источи́вый/  
и пёрвую уго́дницу в ней  
показа́вый,  
Ольгу пречестну́ю,  
ра́дуйся, Вышегра́де,  
на-  
сле́дие ея́ честное,  
ра́дуйся, жен росси́йских сосло́вие,  
похвалу́ на́шу да́вшее/  
во спасéние душ на́ших.

**Стих:** Во́лю боя́щихся Его́ сотвори́т,  
и моли́тву их ус-  
лы́шит, и спасéт я́.

**Возвесели́ся,** непло́дная Росси́йская земле́,  
лику́й, не-  
чревоболéвшая:  
ны́не ражда́еши ча́до твоё –  
Елену́ бла-  
же́нную,  
та же призо́вет ко Го́споду отца́ на́шего Ва-  
си́лия/  
и подража́ти себé приведе́т ли́ки уго́дников Его́,  
по́двиги свои́ми просла́вити иму́щих/  
гра́ды и де́бри тво́я,  
во спасéние душ на́ших.

**Сла́ва, глас то́йже:**

**Ве́лия сла́ва тво́я,** и па́мять тво́я с похвала́ми,  
Ольго пре-  
му́драя,  
тщету́ и́долов презре́вши/  
и и́стину  
Ева́нгельскую уразуме́вши,  
в се́динах ум тво́й Христо́у/  
в послуша́ние плени́ла еси́/  
и всем родо́м росси́йским/  
пу́ть  
и́стинный живота́ показа́ла еси́,  
моли́ о нас Еди́наго Че-  
ловеколю́бца.

**И ны́не, Богоро́дичен.**

### Тропа́рь, глас 1:

Крила́ми богоразу́мня впері́вши твой ум,/ возлетела еси́  
превы́ше ви́димыя тва́ри,/ взыска́вши Бо́га и Творца́  
всяческих,/ и, То́го обрѣ́тши, па́ки рождѣ́ние Крещѣ́нием  
прия́ла еси́,/ дрѣ́ва живото́наго наслажда́ющися, нетле́нна  
во ве́ки пребыва́еши,/ Ольго присносла́вная.

### Ин тропа́рь, глас 8:

В тебе́, Богому́драя Еле́но, изве́стен спасѣ́ния о́браз бысть  
в Ру́сстей странѣ́,/ я́ко, при́ймши ба́ню свята́го Крещѣ́ния,  
последовала еси́ Христу́,/ творя́щи же и уча́щи, е́же ос-  
та́вити и́дольскуто прѣ́лесть,/ восприя́ти же попече́ние о  
души́, ве́щи безсме́ртней,/ те́мже и со Ангелы ра́дуется,  
равноапосто́льная, дух твой.

### Ин тропа́рь, глас 4:

Оста́вивши лесть и́дольскую,/ последовала еси́ Христу́,  
Безсме́ртному Жениху́, Ольго Богому́драя,/ в Его́же чер-  
то́зе ра́дующися,/ непреста́нно моли́ся/ о чту́щих ве́рою и  
любо́вию святую́ па́мь твою́.

### Ин тропа́рь, элли́нский, глас 3:

Свята́я равноапосто́льная избра́ннице Христо́ва, княги́не  
Ольго,/ наро́д твой словѣ́сным и чи́стым Христо́вым мле-  
ко́м напои́вшая,/ моли́ся Ми́лостиву Бо́гу,/ да прегре-  
ше́ний оставле́ние/ пода́ст душа́м на́шим.

**Сла́ва, и ны́не, Богоро́дичен.**

## НА УТРЕНИ

**На Бог Господь: тропа́рь Ольги. Сла́ва, ин тропа́рь. И  
ны́не, Богоро́дичен по гла́су.**

### По 1-м стихосло́вию седа́лен, глас 3:

Вои́стинну в жена́х мудре́йшею показа́лася еси́, Ольго сла́вная,/ лесть язы́ческую от-  
ве́ргши, и во Христа́ ве́ровавши,/ и Влади́мира к тому́ подвигши;/ не забу́ди у́бо, я́ко  
прама́ти, нас, недостой́ных чад твои́х,/ и утверди́ в правове́рии и благоче́стии/ бого-  
уго́дными твои́ми моли́твами.

**Слава, и ныне, Богородичен:**

Злѡбою ожестѣвшая сердца́ наша умягчи́, Дѣво Пречистая, / печали́ наша утоли́, / яко́ мно́ги скорби́ у Креста́ Сы́на Твоего́ претерпѣвшая, / и проше́ния наша услы́ши, яко́ Благая́ Скоропослу́шница.

**По 2-м стихослѡвии седа́лен, глас 4:**

От Го́спода стопы́ челове́ку исправля́ются; / тем и тебе́, святая́ Ольго, напра́ви / сердца́ Испыту́й и утробы́ к Ца́рствию Небе́сному, / егѡ́же да не лишит́ и нас моли́твами твои́ми.

**Слава, и ныне, Богородичен:**

Упова́ние христиа́н непосты́дное / и стено́ неборима́я, Влады́чице Богородице, / не отрини́ моле́ний к Тебе́ прибега́ющих, / но, яко́ Благая́, заступи́ и помилуй́ нас.

**Велича́ние:** Велича́ем тя, / блаже́нная и равноапѡсто́льная княги́не Ольго, / и чтим святую́ па́мять твою́, / идо́лы попра́вшую / и мно́гия лю́ди росси́йския // святы́м Креще́нием просвети́вшую.

**Ино велича́ние:** Велича́ем тя, / святая́ равноапѡсто́льная княги́не Ольго, / яко́ зарю́ у́треннюю в земли́ нашей возсия́вшую / и свет ве́ры Правосла́вныя // наро́ду своему́ предвозвести́вшую.

**Псалом избранный:**

**Блаже́н муж боя́йся Го́спода, / В за́поведех Егѡ́ восхо́щет зело́. / Сла́ва и бога́тство в домо́у егѡ́. / И пра́вда егѡ́ пребы́вает в век ве́ка. / В па́мьть ве́чную бу́дет пра́ведник. / Пра́ведник яко́ фи́никс процветѣ́т, яко́ кедр, иже в Ли́ване, умно́жится. / Возвесели́тся пра́ведник о Го́споде, и упова́ет на Него́. / Се устна́м мои́м не возбраню́, Го́споди. / Ты разумѣ́л еси́ пра́вду мою́ и и́стину мою́: / И язы́к мой поучи́тся пра́вде Твое́й, весь день хвалѣ́ Твое́й. / Свет возсия́ пра́веднику, и пра́вым се́рдцем весѣ́лие. / Род пра́вых благослови́тся. / Сла́вою и че́стию венча́л еси́ егѡ́. / Яко́ Ты благослови́ши пра́ведника Го́споди. / Яко́ ору́жием благоволе́ния венчал еси́ нас. / В ни́хже посети́ нас Восто́к с вы́соты: / Яви́тися во тме́ и сѣни́ сме́ртней се́дящим: // Напра́вити но́ги наша́ на путь ми́рен.**

**Слава и ныне: Аллилуия. Трижды.**

**По полиелѣи седа́лен, глас 5:**

Досто́йно равноапѡсто́льныя ца́рицы и́менем нарече́на еси́, блаже́нная, / о́ной бо, Крест Христо́в приле́жно взыска́вшей, подража́ла еси́, / Христа́ Бо́га и́стиннаго взы-

скавши и Крест Того на себе возложши,/ Егже моли иго благое Креста понести и нам, грехи обремененным,/ и упование Небесное улучшить.

**Слава, и ныне, Богородичен:**

Отныне ублажат Мя вси роди, – рекла еси, Пречистая Дево,/ от праведных Елисавет целование приемши;/ тем убо и мы от отец наших,/ яко Богородицу и Матерь Света,/ Тя пети научимся.

**Степенна, 1-й антифон 4-го гласа. Прокимен, глас 4: Во всю землю изыде вещание их/ и в концы вселенныя глаголы их. Стих: Небеса поведают славу Божию, творение же руку Его возвещает твердь. Всякое дыхание: Евангелие от Матфея, зачало 104 (гл. 13, ст. 33, 44–50).**

**По 50-м псалме стихира, глас 6:**

**Провозвестницу веры/ и ко спасению путеводительницу Богоизбранную,/ Ольгу премудрую восхвалим/ и песнями почтим святую память ея,/ молится бо со всеми святыми земли нашея/ о спасении душ наших.**

**Канон Богородицы: Многими содержимь напастьми: на 6 и канон святых равноапостольных Ольги, на 8, глас 5.**

### **Песнь 1**

**Ирмос: Величаваго фараона в мори потопивша/ со оружием и всадники,/ Израиля же преславно спасша и по суху проведша,/ поем Христа, яко прославися.**

Величие наше и похвала ты еси, Ольго Богомудрая:/ тобою бо от идольския лести свободихомся./ ныне молися за род и роды, ихже Богу привела еси,/ поющи Христа, яко прославися.

Величаваго диавола из России прогнала еси,/ нечестивыя кумиры отнюд сокрушивши,/ вся люди от беззакония свободила еси,/ мудростию научаючи пети Христа, яко прославися.

Черность греховную банею Крещения отнюд отмыла еси,/ Христа возлюбила еси,/ Емуже предстоящи, молися за рабы твоя,/ верно славящая тя.

**Богородичен:** Исаия Тя жезл нарицает, Пречистая,/ Давид же Тя – престол Господень,/ Аввакум – приосененную гору, купину же Тя – Моисей,/ мы же Тя Матерь Божию нарицаем.

**Катавасия: Отверзу уста мои:**

### **Песнь 3**

**Ирмос: Державною рукою и сильным словом/ Небо и землю сотворил еси,/ юже Твоею Кровию искупил еси,**

**Цѣрковь Твою,/ яже о Тебѣ утверждается, зовущи:/ яко несть свят, разве Тебѣ, Господи.**

Державною рукою, и мудрыми словесы, и сильным словом/ учила еси твоего сына закону Христову/ и людем возбранила еси жрѣти идолом, Ольго преславная,/ в память твою ныне сошедшеся, тебѣ прославляем.

Ты, яко пчела, добру разуму далече цветущия Христовы веры взыскала еси/ и, яко породный<sup>50</sup> мед, Крещение в Царствующем граде<sup>51</sup> обрѣтши,/ твоему граду и людем даровала еси,/ егѡже вси насыщени горести грѣха отбѣгают.

Весь похвальный глас и мольбу ти, Ольго, приносим,/ тобою бо Бога познахом, Емуже ныне предстоиши,/ проси мира отечеству, и на поганья победы, и душам нашим оставления грехов,/ поющим тя, присноблаженная.

**Богородичен:** Приятелище явилася еси, Дѣво, Неприступнаго Бога,/ тем Тя поют непрестанно ангельстии чини, повинующеся Владыце,/ Ты бо родила еси Слово Отчее, Собезначальное, без отца:/ о, чудо! Святыи бо Дух осени Тя.

### **Ин кондак, глас 4:**

**Явися днесь благодать всех Бога,/ прославльши в Русі Ольгу Богомудрую,/ молитвами ея, Господи,/ людем подаждь/ грехом оставление.**

#### **Ин ѡкос:**

Русскому языку, Псковстей странѣ,/ богоизбранному от варяг княжескому племени прамати наречеся, Ольго,/ и ходящих прежде во тме неразумия всех честным озари крестом,/ паче нас святым Крещением,/ имже омывше идольскую скверну, мизиннии Богу нарекохомся людие,/ к Нему за вся ны яко с дерзновением молишися,/ людем подаждь грехом оставленне.

#### **Седален, глас 3:**

Подвиг твой чтим, блаженная,/ дивна бо крепость духа твоего, в немощи телесе являющаяся;/ языческую лесь презревши,/ дерзновенно веру проповедала еси Христову,/ образ нам подаючи ревности о Господе.

#### **Слава, и ныне, Богородичен:**

Иже неизреченно от чистых кровей Твоих Воплотивыся/ престол уготова во чреве Твоем, Пречистая Отроковице,/ Юже вси роди, яко Богородицу, достойно славят.

### **Песнь 4**

**Ирмос:** Духом Божимм очищся пророк,/ дыха ющим в нем, Аввакум Божественный, бояся, глаголаше:/ внегда приближатся лета, познан будеши, Бѡже,/ на спасение человеков.

Дух Божий почи на тебѣ, яко на Девворе пророчице древле,/ Имже просветившися, укрепляючи Владимира разумнаго,/ Сисару диавола низложила еси в сети егѡ Крещением,/ яко и Варакѡм в потоце Киссоѡе прежде.

Быстрине подобящися, Ольго Богомудрая,/ сокрушенным сердцем ста, молящися к Богу,/ избавила еси род твоих людей от оскорбления кумирскаго/ и от пленения вражия свободила еси,/ Христа призываючи на помощь нашу.

В нарóчитый день святаго твоего преставлѣния радóстно прázднуем,/ песнь молѣбную Христу́ возсылающе,/ нетлѣнным венцемъ венчавшему тя, Ольго Богомудрая:/ проси́ нам оставлѣние грехóв, сла́влящим тя вѣрно.

**Богорóдичен:** Тя, от корене Иессеева процвѣтшую,/ Исáия якоже прорече, Христа́ – Цвет прозябшую,/ и Первоначальнаго плóтию носившую, и Жезл Бóжия Духа,/ хва́лим Тя, яко Бóжию Мáтерь и Чистую Дѣву.

## Песнь 5

**Ирмос:** Сло́во Бóжие Всесильное,/ мир все́му ми́ру посли́/ и свѣтомъ и́стиннымъ освещáя и просвещáя вся,/ из но́щи Тя сла́влящия.

Яко голуби́ца целомудренная, на фи́никс добродѣтелей возшла́ еси́,/ криле́ свяще́нне посребренне иму́щи,/ и́миже возлетѣвши, в райстей пи́щи возгнездíлася еси́, сла́вная Ольго.

О тебе́ по́йше Соломо́н прѣжде:/ вне винограда́ царская ма́слина процветѣ;/ ты бо свята́ый грезн<sup>52</sup> Крещѣниемъ в Росси́и насади́ла еси́,/ творя́щи плодъ покая́ния, о немъже Сам Христо́с веселится.

Умилосѣрдися, Влады́ко, на новопросвещѣнныя лю́ди Твоя́,/ не преда́ждь нас в рúки погáныхъ за мно́жество беззакóний на́ших,/ но моли́твами наста́вницы на́шей Ольги изба́ви ны от всѣ́кия напа́сти.

**Богорóдичен:** Кропите́ вси, якоже пишется, о́блацы весѣ́лия, земнымъ:/ Бóжий бо Дѣтищ Христо́с, очища́яй мир от грехóв,/ воплотíся от Дѣвы и дан бысть нам.

## Песнь 6

**Ирмос:** В Цѣрковь Небѣсную Святу́ю Твою́/ да придетъ моли́тва моя́,/ вопию́ Ти, яко Ио́на,/ из глубины́ сѣрдца морска́го:/ от грехъ мо́ихъ возведи́ мя,/ молю́ся Тебѣ́, Го́споди.

Рѣвность Свята́го Ду́ха в сѣрдцы приѣмши,/ отѣческое злове́рие возненави́дела еси́,/ и, Христа́ и́стиннаго Бóга взыска́вши, ча́до свѣта яви́лася еси́,/ и с пѣрвенцы свята́ыхъ на Небесѣхъ лику́еши.

Но́вая учени́ца Христо́ва в Росси́и яви́лася еси́, обходя́щи гра́ды и сѣла,/ куми́ры сокруша́ющи и лю́ди уча́щи еди́ному Бóгу поклоня́тися,/ Егóже моли́ за пою́щия тя.,

О Богоблаже́нная Ольго, помолíся за твоя́ ча́да к Бóгу:/ мир неподви́жимый отѣчеству́ на́шему испроси́/ и нам отпу́щение грехóв, при́сно тя прославля́ющимъ.

**Богорóдичен:** Позна́вше Тобо́ю неопи́санное Сло́во Бóжие,/ Сы́на Единоро́днаго Вседержи́телева, вопи́емъ Ти, земнии:/ раду́йся, благословѣ́нная Богорóдице, упова́ние душъ на́ших.

## Конда́к Ольги глас 4.

**Подóбен:** Яви́лся еси́ днесь:

**Воспоѣмъ** днесь Благоде́теля всехъ Бóга,/ просла́вльшаго в Росси́и Ольгу Богомудрую,/ да моли́твами ея́/ пода́ст душáм на́шим// грехóв оставлѣние.

## Икос:

Христиа́н жити́е ви́дящи и непотрѣбство язы́ческое уразумева́ющи,/ си́це в себѣ рекла́ еси́, Ольго Богому́драя:/ о, бѣздна премудрости и блага́сти всех Творца́!/ Ка́ко утайлся еси́ от мене́ доселе?/ Ка́ко возмогу́ идо́лы отны́не чтити?/ Никто́же бо, сла́дкаго вкусив, восхо́щет го́рькаго,/ се́го ра́ди, а́ще и в ста́рости, призови́ мя, Свята́я Трои́це,/ и пода́ждь ми грехо́в оставле́ние.

## Песнь 7

**Ирмо́с:** Пла́мень пе́щный порабо́тиша благочестивни́ отро́цы,/ тем свы́ше ороси́ я, гото́вы пали́мы по естеству́,/ но па́че естества́ му́жески поя́ху:/ благослове́н еси́, Го́споди, на Престо́ле Сла́вы Ца́рствия Твоего́.

Подобно́ Иуди́фи сотвори́ла еси́, посреде́ куми́рских тели́щ вше́дши,/ тех нача́льника сокруши́ла еси́ и демоно́четцы посрами́ла еси́,/ вся же лю́ди научи́ла еси́ в чистоте́ вопи́ти Христу́:/ благослове́н еси́, Го́споди, на Престо́ле Сла́вы Ца́рствия Твоего́.

Похва́льными цвѣты, а́ки ца́рский венѣц, богому́дрей твоѣ́й главе́/ в па́мь твою́ прино́сим, ю́же Христос́ нетлѣнием венча́, Ольго́ досточу́дная,/ моли́ся за твоѣ́ ста́до, изба́витися от вся́каго зла вопи́ющим:/ благослове́н еси́, Го́споди, на Престо́ле Сла́вы Ца́рствия Твоего́.

Лива́нскую ли го́ру нарече́м тя?/ На тя бо роса́ Небе́сная сни́де./ Или́ Фисо́н реку́, добрей́ший сапфи́р, ка́мень честны́й, Влади́мира иму́щую,/ имже просвети́ся Росси́йская земля́?/ Но моли́тесь за ны, взыва́юще:/ благослове́н еси́, Го́споди, на Престо́ле Сла́вы Ца́рствия Твоего́.

**Богородичен:** Киво́т позлаще́н Тя Ду́хом имену́ем,/ спа́сшую мир от пото́па разума́наго, Де́во,/ спаси́ нас, на Тя бо наде́емся и к Тебе́ прибега́ем,/ отча́янные в пучи́не от грех и напа́стей изба́ви, вопи́ющия:/ благослове́н еси́, Го́споди, на Престо́ле Сла́вы Ца́рствия Твоего́.

## Песнь 8

**Ирмо́с:** Кре́пцыи отро́цы три́е су́ще,/ си́лою обо́лкъшеся Святы́я Трои́цы,/ улови́ша и победи́ша халде́и,/ и дивно́ измени́ся естество́:/ ка́ко огонь в росу́ прелага́шеся?/ Безту́ги я сохрани́, я́ко пелена́ми,/ о проли́явый му́дрость на всех де́лах Твои́х Бо́же,/ Тя превозно́сим во ве́ки.

Крепка́, я́ко львица́, си́лою Свята́го Ду́ха оболче́на,/ еди́на устреми́ся всю́ду истерза́ти куми́ры, и дивно́ на Небеси́ и на земли́:/ ка́ко жена́ пре́жде Бо́га познава́ет,/ е́юже испѣ́рва все́му роду́ паде́ние бысть?/ То́ю же ны́не спасе́ни, поём:/ о проли́явый му́дрость на всех де́лах Твои́х Бо́же,/ Тя превозно́сим во ве́ки.

Премудро́сть Бо́жия пре́жде о тебе́ написа́ла ест:/ се еси́ до́брая моя́ и прекра́сная, и поро́ка нест в тебе́./ Блеск лица́ твоего́, я́ко ми́ра обоня́ние, назна́меноваше твоѣ́, Ольго́, креще́ние,/ е́же посреде́ куми́рския ле́сти на тебе́ обоня́ Христос́/ и всех нас от смра́да де́монскаго к пока́нию ми́лостию Своѣ́ю, привѣл ест.

Помяни́ мене́, госпоже́ Ольго́, убо́гаго твоего́ раба́,/ окра́деннаго от врага́ и согрешивша́го па́че челове́к,/ и помоли́ся Христу́ пода́ти ми прощѣ́ние о всех согрешѣ́ниях,/ я́же нечу́вственно соде́ях, ока́янный, да пока́нием вопи́ю:/ о проли́явый му́дрость на всех де́лах Твои́х Бо́же,/ Тя превозно́сим во ве́ки.

**Богорóдичен:** Не прѣзри, Дѣво, Твоих раб мольбы, / о Тебѣ бо хва́лимся, Твоѣ ма́лое ста́до мы есмь, / потщи́ся в заступле́ние на́ше и изми́ ны от враг на́ших, / ущѣдри зна́ющия Тя Ма́терь Бо́жию и Сы́ну Твоему́ вопи́ющия: / о проли́явый му́дрость на всех дѣлех Твоих Бо́же, / Тя превозно́сим во ве́ки.

## Песнь 9

**Ирмо́с:** Из Еде́ма изы́де род наш / пра́бабы ра́ди Евы, / при́зван же Тобо́ю, ро́ждшею нам но́ваго Ада́ма– Христа́, / во двою́ естество́у, Дѣво Чи́стая. / Взыгра́ся Ада́м пра́дед, я́ко избы́в пе́рвыя кля́твы, / мы же Тобо́ю хва́лящеся, / я́ко Тебѣ ра́ди Бо́га позна́хом, / и Тебѣ велича́ем.

Весели́ся, Ево праро́дительнице, и́же бо, тя прельсти́в, из Еде́ма изведе́, / ны́не же попра́н есть твои́м исча́дием. / Се бо Ольга живо́тное дре́во, Крест Христо́в, в Росси́и водрузи́, / и́мже всем ве́рный рай отве́рзся, / мы же хва́лящеся, я́ко той ра́ди Бо́га позна́хом, / со Влади́миром си́ю велича́ем.

Жену́ по естество́у нарица́ем тя, но па́че си́лы же́нския подвигла́ся еси́ / Тьмы твоего́ зла́та исто́щи́ла еси́, / да Христо́в зако́н и учителя́ приобря́щещи, / и́мже просвети́ла еси́ зе́млю Росси́йскую, / мы же тобо́ю хва́лящеся, я́ко тебѣ ра́ди Бо́га позна́хом, / с му́ченики тя велича́ем.

Зако́на наста́внице чи́стая и учи́тельнице ве́ры Христо́вы, / приими́ похвалу́ от раб недосто́йных и моли́тву о нас сотвори́ к Бо́гу, / че́стно творя́щих твою́ па́мять, / да от напа́стей, и бед, и печа́лей, и лю́тых грехо́в свободи́мся, / е́ще же и мук, ждúщих нас, изба́ви, мо́лимся ти, / тебѣ непреста́нно велича́ющии.

**Богорóдичен:** Се Це́рковь, се дверь, се Бо́жия гора́ святая́, / се жезл и сосу́д злат, се исто́чник печата́н, / се рай святы́й но́ваго Ада́ма, се престо́л стра́шный, / се Ма́ти Бо́жия Пречи́стая, / Засту́пница всех нас, пою́щих Ю.

### Свети́лен:

Свѣтом благода́ти Бо́жией просвеще́нная, / свети́льник ве́ры и́стинныя во оте́чествии своѣм возжгла́ еси́, Ольго Богому́драя, / и о́браз подала́ еси́ отцу́ на́шему Влади́миру, / и́мже и мы от тьмы неведе́ния к Свѣту Христо́ву приве́дохомся.

### Сла́ва, и ны́не, Богорóдичен:

Во тьме беззакóний сущи́и и нечисто́тою грехо́вною оскверне́ннии, / Тя Путево́дительницу к Свѣту невече́рнему има́мы; / тем и мою́ ока́йнную ду́шу к Небе́сной чистоте́ возведи́ / все́ильным предста́тельством Твои́м, Дѣво Пречи́стая.

## НА ХВАЛИТЕХ СТИХИРЫ, ГЛАС 3:

**Восхва́лим, о бра́тие, / Спа́са на́шего и Го́спода / за превели́кая благодея́ния Его́: / Той бо, Человеколю́бец сый, / в се́рдце прамáтере на́шея Ольги / вложи́ огонь любви́ Боже́ственныя / и по ней в земли́ на́шей яви́ се́яния Своего́ плоды́ пребога́тыя: / в князе́х на́ших – к Ца́рствию Го́рнему вожди́ нелѣстныя, / во архиере́ех – наста́вники му́дрыя ко спасе́нию / и во вся́ком ли́це преподо́бных – столпы́ ве́ры и благоче́стия, / и́хже моли́твами спаса́ет от сме́рти ду́ши на́ша.**

**Воспойте** Господеви песнь нову, / дубравы и доли земли  
 Россійския, / в память наставницы нашей, / и воскликните  
 Богу гласом радования, / горы и холми, идольскими  
 жертвами древле осквернившиеся / и погубели отец наших  
 служившии, / ныне же росую благодати Творца Своего  
 окропившиися, / и Крестом Сына Его осененнии, / и споклонившиися с нами Спасающему души наша.

**По** грехом нашим умножишася в нас безумнии, / иже не  
 токмо глаголют в сердцах своих – несть Бог, / но и проповедают  
 нам учения погубительная и развращенная, / малодушные от  
 Святыя Церкви отторгающая, / обаче от сих, молитвами блаженныя  
 Ольги, / да спасет Господь души наша.

### **Слава, глас 8:**

**О** матери наша возлюбленная, / рцы нам, како благодатию  
 Вышняго / вся козни вражия препобедила еси, / да и мы,  
 тобою наученнии, / искусни явимся спасти души наша.

### **И ныне, Богородичен:**

**Богородице, Мати Безневестная, / Ты** нам прибежище и  
 сила, / Ты еси упование наше и стена нерушимая, / не отверзи  
 нас от Твоего лица, / но моли Сына Твоего и Бога  
 нашего, / да спасет Тобою души наша.

### **Славословие великое.**

#### **Молитва первая**

О святая равноапостольная великая княгине Ольго, первоугоднице Россійская, теплая о нас пред Богом ходатаице и молитвеннице! К тебе прибегаем с верою и молимся с любовию: буди нам во всем ко благу помощница и споспешница и, якоже во временней жизни тщалася еси просветити праотцы наша светом святыя веры и наставить я творити волю Господню, тако и ныне, в Небесней пребываючи светлости, благоприятными твоими к Богу молитвами вспомоществуй нам в просвещении ума и сердца нашего светом Евангелия Христова, да преспеваем в вере, благочестии и любви Христове. В нищете и скорби сущия утеша, бедствующим подаждь руку помощи, обидимыя и напастуемыя заступи, заблуждшия от правыя веры и ересьми ослепленные вразуми и испроси нам у Всещедраго Бога вся благая и полезная жизни временней и вечней, да, тако благоугодне zde проживше, сподобимся наследия благ вечных в безконечном Царствии Христа Бога нашего, Ему же со Отцем и Святым Духом подобает всякая слава, честь и поклонение всегда, ныне, и присно, и во веки веков. Аминь.

#### **Молитва вторая**

О великая угоднице Божия, богоизбранная и богопрославленная, равноапостольная великая княгине Ольго! Ты отринула еси зловере и нечестие языческое, уверовала еси во Единого Истинного Триипостаснаго Бога, и восприяла еси святое Крещение, и положила еси начало просвещению земли Россійския светом веры и благочестия. Ты еси духовная родоначальница наша, ты по Христе Спасителе нашем первая виновница просвещения и спасения рода нашего. Ты еси теплая молитвенница и ходатаица о отечестве Всероссийском, воинстве и всех людех. Сего ради смиренно молим тя: призри на немощи наша и умоли Премилосердаго Царя Небеснаго, да не прогневается на ны зело, яко по

немощем нашим по вся дни согрешаем, да не погубит нас со беззаконными нашими, но да помилует и спасет нас по милости Своей, да всадит в сердца наша спасительный страх Свой, да просветит Своею благодатью ум наш, во еже разумети нам пути Господни, оставити стези нечестия и заблуждений, тщатися же во стезях спасения и истины, неуклонного исполнения заповедей Божиих и уставов Святыя Церкви. Моли, блаженная Ольго, Человеколюбца Бога, да пробавит нам великую милость Свою, да избавит нас от нашествия иноплемённых, от внутренних нестроений, мятежей и раздоров, от глады, смертоносных болезней и от всякого зла, да подаст нам благорастворение воздуха и плодородие земли, да сохранит страну нашу от всех козней и навет вражних, да соблюдет в судиях и правителях правду и милость, да даст пастырем ревность о спасении пасомых, всем же людем споспешение, о еже усердно службы своей исправляти, любовь между собою и единомыслие имети, на благо отечества и Святыя Церкви верне подвизатися, да возсияет свет спасительных веры в стране нашей во всех концах ея, да обратятся к вере неверующии, да упразднятся вся ереси и расколы. Да, тако поживше в мире на земли, сподобимся с тобою вечно блаженства на Небеси, хваляще и превозносяще Бога во веки веков. Аминь.

#### Святая равноапостольная княгиня Российская Ольга

Утверждению христианства на Руси при святом равноапостольном великом князе Киевском Владимире предшествовало княжение великой княгини Ольги, которую в древности называли корнем правоты. В период ее правления на Руси успешно насаждались семена веры Христовой. По словам летописца, святая равноапостольная Ольга «во всей Русей земли первая разорительница кумирским требищам бысть и правоту основание».

Равноапостольная Ольга родилась в Псковской земле, ее родословная восходит к Гостомыслу. Иоакимовская летопись сообщает, что святая Ольга принадлежала к роду древнерусской княжеской династии Изборских. Она родилась в языческой семье в селении Выбуты неподалеку от Пскова, стоящем на реке Великой. Ей были присущи уже в юности глубокий ум и исключительная в языческой среде нравственная чистота. Богомудрой, мудрейшей в роде называют святую княгиню древние авторы, и именно чистота была той доброй почвой, на которой принесли такой богатый плод семена христианской веры.

Святая Ольга отличалась и внешней, телесной красотой. Когда ее увидел во время охоты в северных лесах будущий Киевский князь Игорь, он воспыла к ней нечистой похотью и стал склонять ее к плотскому греху. Однако мудрая и целомудренная девица стала вразумлять князя не быть рабом своих страстей. «Вспомни и подумай, – сказала она, – что ты князь, а князю для людей должно быть, как правителю и судии, светлым примером добрых дел». Она так мудро беседовала с Игорем, что князь устыдился.

Когда Игорь утвердился в Киеве, он решил выбрать себе жену среди самых красивых девушек княжества. Но ни одна из них не пришлась ему по сердцу. Тогда он вспомнил об Ольге и послал за ней своего опекуна и родственника князя Олега. В 903 году святая Ольга стала женой князя Игоря. С 912 года, после смерти князя Олега, Игорь стал править в Киеве единолично. Он успешно осуществил несколько военных походов. В правление Игоря, лояльно относившегося к христианской религии, вера Христова распространилась в Киеве настолько, что христиане составляли значительную часть общества. Именно поэтому мирный договор с греками, заключенный незадолго до смерти князя Игоря, утверждался двумя религиозными общинами Киева: христианами и язычниками. В 945 году князь Игорь был убит древлянами. Боясь мести за убийство Киевского князя и желая укрепить свое положение, древляне отправили послов к княгине Ольге, предлагая ей вступить в брак со своим правителем Малом. Но Ольга, тогда еще язычница, отвергла предложение древлян. Хитростью заманив в Киев старейшин и всех знатных мужей древлян, она мучительной смертью отомстила им за смерть мужа. Ольга еще неоднократно мстила древлянам, пока они не покорились Киеву, а их столица Коростень не была до тла сожжена. Как язычница, она не могла взойти тогда до заповеди о прощении и любви ко врагам.

После смерти князя Игоря она успешно управляла государством и укрепила власть Киевского великого князя. Великая княгиня обезжала Русскую землю с целью упорядочения гражданской и хозяйственной жизни народа. При ней Русская земля была разделена на области, или волости, во многих местах она поставила погосты, ставшие административными и судебными центрами. Богомудрая Ольга вошла в историю и как великая созидательница культуры Киевской Руси. Она решительно отказалась от вторичного брака, сохраняя великокняжеский престол для подраставшего сына Святослава. Много трудов приложила святая княгиня Ольга для укрепления обороны страны. Ко времени правления Ольги историки относят установление первых государственных границ России – на западе, с Польшей.

История не сохранила имен первых христианских наставников святой Ольги, вероятно потому, что обращение блаженной княгини ко Христу связывали с Божественным вразумлением. Один из древних текстов говорит об этом так: «О дивство! Сама не ведущи Писания, ни закона христианского и учителя о благочестии не слыша, а нравом благочестия усердно поучася и веру христианскую от всея души возлюби. О неизреченного Промысла Божия! Не от человек блаженная научася истине, но свыше учителя име Божью Премудрость». Ко Христу святая Ольга шла через поиски Истины, ища удовлетворения для своего пытливого ума; древний автор называет ее «богоизбранной рачительницей премудрости». Преподобный Нестор-летописец повествует: «Блаженная Ольга с малых лет искала мудрости, что есть самое лучшее в свете этом, и нашла многоценный жемчуг – Христа».

В 955 году княгиня отправилась в Константинополь, где была с почетом принята императором Константином VII Багрянородным (913–959) и Патриархом Феофилактом (933–956). По свидетельству летописи, вскоре она приняла святое Крещение с именем Елена – в честь святой равноапостольной царицы Елены (†327; память 21 мая). Восприемником ее стал сам император Константин. Патриарх Феофилакт поставил русскую княгиню в истинах Православной веры и дал ей заповеди о сохранении церковного Устава, о молитве, посте, милостыне, соблюдении чистоты. «Она же, наклонив голову, стояла, внимая учению, как губка напояемая», – пишет преподобный Нестор. Святая Ольга вернулась в Киев, взяв с собой святой крест, иконы, Богослужебные книги. Здесь началось ее апостольское служение. Она привела ко Христу и святому Крещению многих киевлян, предпринимала попытки повлиять на сына, убежденного язычника, малодушно боявшегося осуждения дружины. Но князь Святослав остался глух к призывам матери. Не принуждая сына, святая Ольга молилась со смирением: «Воля Божья да будет. Аще Бог хочет помилovati рода моего и земле русския, да возложит им на сердце обратитися к Богу, яко же и мне Бог дарова». Святая Ольга построила в Киеве, на могиле князя Аскольда, храм во имя Святого Николая, заложила деревянный храм во имя Святой Софии Премудрости Божией.

Затем с проповедью святой веры княгиня отправилась на север. По пути она сокрушала идолов и на местах языческих капищ устанавливала каменные кресты, от которых для вразумления язычников происходили многочисленные чудотворения. При впадении в реку Великую реки Псковы святая Ольга увидела «луч Трисиятельного Божества» – знамение пощения Божия о Руси. Блаженная княгиня поставила на том месте крест и основала храм во имя Святой Живоначальной Троицы. Она пророчески возвестила о том, что здесь будет воздвигнут «град велик». Исторически достоверно, что святая равноапостольная Ольга явилась основательницей Пскова. По возвращении в Киев она отправила много золота и серебра на постройку псковского храма.

В конце жизни блаженная Ольга претерпела много скорбей. Святослав, не принявший святое Крещение, покинул престарелую мать и переселился в город Переяславец на Дунае. Кроме того, он мешал ее мероприятиям по утверждению Христианства на Руси. В 968 году Киев осадили печенеги. Святая княгиня с внуками, в числе которых был князь Владимир, оказались в смертельной опасности. Когда весть об осаде достигла Святослава, он поспешил на помощь, и печенеги были обращены в бегство. Святая княгиня, будучи уже тяжело больной, просила сына не уезжать до ее кончины. Она не теряла надежды обратить сердце сына к Богу и на смертном одре не прекращала проповеди. 11 июля 969 года святая Ольга преставилась ко Господу, завещая не устраивать по себе тризны, а совершить погребение по-христиански.

Через 19 лет внук святой княгини Ольги святой равноапостольный великий князь Владимир принял Крещение. Он построил в Киеве каменный храм в честь Пресвятой Богородицы (Десятинная церковь), куда были перенесены нетленные мощи святой равноапостольной Ольги. Над ее гробницей было устроено оконце, которое открывалось само, если к мощам подходили с верою. По вере христиане сподоблялись видеть светозарные мощи святой княгини и получать от них исцеления. Русский народ чтит святую равноапостольную Ольгу как основоположницу христианства на Руси, обращаясь к ней словами преподобного Нестора: «Радуйся, русское познание Бога, начало нашего с Ним примирения».

## НА ЛИТУРГИИ

**Блаженны от канона святых, песни 3-я и 6-я.**

**Тропарь, глас 1:**

Крѣлами богоразумія вперѣвши твой ум, / возлетѣла еси превыше видимыя твари, / взыскавши Бога и Творца всяческих, / и, Того обрѣтши, паки рождение Крещением прияла еси, / древа животнаго наслаждающися, нетленна во веки пребываеши, / Ольго приснославная.

**Ин тропарь, глас 8:**

В тебе, Богомудрая Елено, известен спасения образ бысть в Русстей стране, / яко, приими баню святого Крещения, последовала еси Христу, / творящи же и учащи, еже оставити идольскуто прелесть, / воспряти же попечение о души, вещи безсмертней, / темже и со Ангелы радуется, равноапостольная, дух твой.

**Ин тропарь, глас 4:**

Оставивши леть идольскую, / последовала еси Христу, Безсмертному Жениху, Ольго Богомудрая, / в Егоже чертозе радующися, / непрестанно молися / о чтущих верою и любовью святую память твою.

**Ин тропарь, еллинский, глас 3:**

Святая равноапостольная избраннице Христова, княгине Ольго, / народ твой словесным и чистым Христовым млеком напоившая, / молися Милостиву Богу, / да прегрешений оставление / подаст душам нашим.

**Кондак Ольги глас 4.**

**Подобен: Явился еси днесь:**

**Воспоём днесь Благодетеля всех Бога, / прославльшаго в России Ольгу Богомудрую, / да молитвами ея / подаст душам нашим // грехов оставление.**

### Ин конда́к, глас 4:

**Яв́ися** днесь благода́ть всех Бо́га,/ просла́вльши в Руси́ Ольгу Богому́друю,/ моли́твами ея́, Го́споди,/ лю́дем по-да́ждь/ грехо́м оставле́ние.

**Прокі́мен, глас 8:** Во всю зе́млю изы́де веща́ние их/ и в концы́ вселенны́я глаго́лы их. **Стих:** Небеса́ пове́дают сла́ву Бо́жию, творе́ние же руку́ Его́ возвеща́ет твердь.

**Апо́стол: Дея́ний святы́х апо́стол, зача́ло 37, стихи́ 12–15 и зача́ло 39, стихи 1–4. Аллилу́ия, глас 1:** Испове́дят Небеса́ чудеса́ Твоя́, Го́споди, и́бо и́стину Твою́ в Це́ркви святы́х. **Стих:** Бог прославля́емь в сове́те святы́х.

**Ева́нгелие от Луки́, зача́ло 33.**

**Прича́стен:** Никто́же мо́жет приити́ ко Мне, а́ще не Оте́ц, посла́вый Мя, привлече́т его́, рече́ Господь.

**Велича́ние:** Велича́ем тя,/ блаже́нная и равноапо́стольная княги́не Ольго,/ и чтим святу́ю па́мять твою́,/ и́долы попра́вшую/ и мно́гия лю́ди росси́йския// святы́м Креще́нием просвети́вшую.

**Ино велича́ние:** Велича́ем тя,/ святая́ равноапо́стольная княги́не Ольго,/ я́ко зарю́ у́треннюю в земли́ на́шей возсия́вшую/ и свет ве́ры Правосла́вныя// наро́ду своему́ предвозвести́вшую.